

RASIM SKOMORAC

Imam jednu inicijativu vezano također za ova pitanja. Da Skupština Zeničko-dobojskog kantona donese zaključak i da se obrati prema Federalnom Ministarstvu zdravstva da se razmotri diskriminatorski odnos prema Kantonalnoj bolnici Zenica kada se radi o raspodjeli sredstava ili opreme iz međunarodnih donacija i da se Kantonalna bolnica Zenica tretira kao dio zdravstvenog sistema Federacije Bosne i Hercegovine sa jednakim pravima i obavezama kao i sve druge zdravstvene ustanove, i drugi dio ove inicijative da se izvrše izmjene pravilnika o uvjetima koje moraju ispunjavati bolnice za sticanje statusa Univerzitetske bolnice kako bi se omogućio kvalitetan razvoj i Kantonalne bolnice Zenica i Medicinskog fakulteta u Zenici i Univerziteta u Zenici. I za jedno i za drugo osnivač je Kantonalna Skupština. A mislim da bi bilo da postoje određene elementi iz kojih bi se moglo govoriti da se radi o određenim opstrukcijama pa bih volio da Kantonalna skupština u svoje ime prioriteto pokušava određene stvari pokrenuti, hvala lijepo.